



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ავშნიანი

ავშნიანი, აბზინდიანი, ნახევრად უდაბნოსა და უდაბნოს მცენარეული ფორმაცია, რ-საც საქართველოში ქმნის ავშანი (*Artemisia fragrans*). ა. გავრცელებულია დაბლობ, ვაკე, მთისწინეთის ბიცობ და მომლაშო ნიადაგებზე. უროსთან, კაპუეტასთან, ლეგა ჭანგასთან, წითელწვერასთან, ჩარანთან, ეფემერებთან და სხვ. ერთად ა. მცირემოსავლიან კომპლ. ფიტოცენოზებს ქმნის. საქართველოში ა-ის ბალახნარის საშ. მოსავალი შემოდგომაზე 3,4 ც შეადგენს ჰა-ზე, ზამთარში - 1,9 ც, გაზაფხულზე - 4,4 ც. ა. ყუათიანი საკვებია. მის ბალახნარს ყინვების შემდეგ, როცა მცენარეს სიმწარე ეკარგება, ცხვარი კარგად ძოვს.

შ. ნახუცრიშვილი
